

COMMUNICAZIUN A LAS MEDIAS

Bever, ils 8 da zercladur 2026

La Repower prenda en funcziun l'ovra electrica renovada da Silvaplauna

Suenter la finiziun da las lavurs da renovaziun è l'ovra da Silvaplauna puspè vid la rait. L'implant dasper l'Ova dal Vallun è vegnì renovà cumplessivamain dapi la primavaira 2025 davent da la tschiffada d'aua fin a la turbina.

Suenter la renovaziun totala presta l'ovra da Silvaplauna puspè ina contribuziun impurtanta per il provediment d'electricitad local. Cun ina prestaziun dad 1,5 MW ed ina produziun annuala da radund tschintg milliuns kWh cuvra ella stgars in terz dal basegn d'electricitad da la vischnanca da Silvaplauna.

L'istorgia da l'ovra va lunsch enavos. Emprims bajetgs èn gia naschids enturn il 1890. Il 1972 è il stabiliment vegnì renovà, il 1998 èn suandadas ulteriuras lavurs da renovaziun. Cun la renovaziun totala, ch'è ussa terminada, po l'ovra vegnir manada a moda pli segira, pli effizienta ed ecologica en ils proxims decennis.

Investì stgars diesch milliuns francs

Las lavurs da construcziun han cumenzà l'avrigl 2025. La Repower ha investì stgars diesch milliuns francs en l'implant. Repower ha spazzà la veglia tschiffada d'aua sur il vitg e remplazzà quella cun ina tschiffada d'aua moderna, pli ecologica. Medemamain renovà è il surpassadi al reservuar sco er ina part essenziala da la lingia da pressiu. En la centrala da l'ovra electrica en il vitg è la veglia grupp da maschinas vegnida demontada e remplazzada d'ina nova turbina da peloton verticala pli effizienta. Ultra da quai èn vegnids modernisads ils systems da protecziun e da controlla.

Er vi da la centrala sezza èn vegnidas realisadas meglieraziuns da construcziun. Cun differentas mesiras da la tecnica acustica vegn la canera dal manaschi, che mulesta il conturn, reducida vinavant. La Repower resguarda uschia il lieu da la centrala amez il vitg e dals quitads da la populaziun.

Ina buna collavuraziun cun las autoritads

En connex cun la prolungaziun da la concessiun per l'ovra idraulica Ova dal Vallun ha la Repower pudì sustegnair la vischnanca tar ina dumonda impurtanta. La chasa d'abitar existenta sin la parcella pertutgada è vegnida surdada a la vischnanca per in pretsch da preferenza. Cun quai è naschida ina basa per il project «Las Famiglias», il qual vul stgaffir a Silvaplauna spazi d'abitar pajabel supplementar per famiglias indigenas. La Repower engrazia a la vischnanca da

Silvaplana per la buna collavuraziun tar la renovaziun da l'ovra electrica ed a la populaziun per la chapientscha durant la fasa da construcziun.

La renovaziun da l'ovra da Silvaplana fa part da la strategia da la Repower da mantegnair a lunga vista la forza idraulica existenta en il Grischun e da sviluppar vinavant intenziunadamain la produenziun d'electricitad regenerabla.

Contact

Stefan Bisculm

manader post da medias

t +41 81 423 77 00

m +41 79 372 77 76

stefan.bisculm@repower.com

Quai è Repower

L'interpresa Repower è dapi 120 onns activa sco producenta d'electricitad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Grono, Küblis, Landquart, Turitg e Milaun. Repower è activa lung l'entira chadaina da valurisaziun da l'electricitad, da la produenziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricitad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.